

羅馬志畧卷八

羅馬內地戰

一節與米拉達低戰

斯時羅馬議院不惟有同盟戰並有他國戰二十年中小亞洲東北境毘連亞米尼亞之本都地興為大有威權國米拉達低居王位於逼近諸國多有侵奪事羅馬遣使諭以大義伊即暫息兵未幾依舊侵取羅馬與本都因有隙矣降生前八十八年後元哥尼流蘇拉為根蘇議院飭其帥師與本都王米拉戰

二節馬留蘇拉

馬留既老猶願親領軍士謀於為德利本之蘇比修蘇比修於民會舉出與議院意不合之例數條內有一議即馬留可代蘇拉為東征帥蘇拉軍士聞之怒整隊徑入羅馬城殺蘇比修遂馬留出境為後日軍士立取城之坊表繼此而羅馬城中頭等威權戰爭之輩得矣羅馬人民恒為戰爭人備糧餉而蘇拉於羅馬城中居不數日倡議數例使議院勢強德利本微弱條例既登於冊遂率軍赴本都接戰矣深冀羅馬不生無益於己之事端第難決其如何耳

三節蘇拉東征

蘇拉興兵之日知米拉已率軍入小亞洲將旅居之意人殺盡相傳謂數足十五萬米拉知斯時希臘人已叛羅馬與己和即遣兵會於希地降生前八十七年蘇拉帥師登希地岸事端紛至沓來蘇拉兼顧之已無餘力乃以善法撫字希人而得其心亦以米拉於小亞洲處置者未善民皆離心離德故羅馬大軍次隊來登小亞洲陸地時米拉已不能抵急請和降生前八十四年也蘇拉因意大利地多事

欲急回意地即允矣。漢昭帝始元三年

節四 馬留居非洲還國諸節

蘇拉去羅馬東征後二根蘇有爭端一阿附蘇拉一羽翼馬留也未幾黨同馬留之根蘇哥尼流辛那牢籠民而固結人心迎請馬留歸羅馬當馬留之亡出意境也歷艱險實不乏乘舟赴非洲時舟子遵意地南海濱至敏都奈給之登岸急駕舟駛去馬留在敏都經土人窘迫匿草塘中水草及頸不沒者惟首被執而囚於敏都獄中城中官長遣奴於獄中斃馬留及奴至見馬留雙睛瞭亮放光於暗室中益顯聞馬留厲聲曰爾敢殺馬留乎奴懼棄劍而遁遣奴之官知之以為事大可恥即釋馬留出獄馬留至非洲有司官派差役諭彼可速之他所不准在此逗遛及差役尋見馬留時馬留適在加耳達俄城傾圮之破宮殿中馬留對差役曰還告遣爾者言親見馬留坐於加耳達俄頽倒之宮殿中矣

節五 辛那蘇拉

馬留既歷諸難及回羅馬行極兇暴與辛那同謀將異己黨之人多家殺盡連五日閉城門馬留帥兵往來街衢手指誰氏兵即過殺之降生前八十六年馬留七選為根蘇即位不多日卒年已七十餘歲矣嗜殺多人國人怨恨

辛那繼馬留操權二載降生前八十四年蘇拉己與米拉暫和欲率軍回意大利辛那視拒蘇拉接戰莫若渡海營彼濱於安哥那城將開船時經麾下兵士刺殺蘇拉還師登意地岸時數足四萬羅馬二根蘇率兵十萬故蘇拉不急赴羅馬城暫營於意地南境伺隙以多善術得民心來接戰之羅馬軍士蘇拉連勝二次矣

節六 蘇拉獲勝

降生前八十二年元始五年戰局益加擴散尼底人於同盟戰尚未帖服者俱與馬留黨聯合第蘇拉於固結其利權之事無不如願散尼人並馬留黨人不得已均向羅馬退歸有夷滅羅馬城意蘇拉統軍尾追在城外酣戰散尼人雖敗北而蘇拉軍力亦用盡羅馬城遂獲救

蘇拉為羅馬國主所行無阻撓讀者不舉知近五年中羅馬國權操自一人議院無權國政諸舊規不能行乎故蘇拉定意復舊制俾貴紳仍操權矣

節七 蘇拉理國政

蘇拉執政殘酷與馬留相若揆其意殆欲國政臻乎定拂己作對者除之務盡也日榜示應見殺者姓名所榜之人人人得而可誅無慮官家等問殺其人者可領賞格相傳云伊時羅馬富饒家死人四千七百財產沒於官若此之虐國政胡能大定哉屠戮人民傷風敗俗一時之人多棄仁義不顧矣倏而制富者眾其無路生財者亦希冀遇榜示之人殺之以獲賞制富人心驚惶震動城中將何日得安乎蘇拉既將不羽翼己者殺盡國中政務亦布置就緒民遂奉之為低革達多彼乘勢倡出強大議院權者多例諸條既列入載籍諷國人選己為根蘇降生前八十年也彼意欲以一身之行為凡為根蘇者立治國法式設多端極美觀之門要戲玩發粟與城中人民使足多日食繼乃讓國政與他人執掌入鄉間居處矣降生前七十八年壽終漢昭帝元鳳三年出殯時禮儀美備為羅馬城人自古來所未之見

節八 蘇拉歿後之亂

羅馬斯時看似平定實則前有之禍亂將復見所謂同盟戰並繼起之黨人戰屠戮蹂躪致意地民數較前益少矣蘇拉於戰畢時已分多士田與軍士成為屯兵埠然軍士不喜安閒力田不數載即速將士田售出回城中居矣地主或躬耕或雇人耕之法仍改為數百畝田併一大區俾奴僕操作

議院議士並他貴紳藉蘇拉手復得操權後視國務為可憑以生財之捷徑圖謀財利較前益盡心矣立多術欲成鉅富握國柄者如是籌畫於內徒形利己於外益顯疲弱若等國政胡能有人悅懌哉未幾即於四境生出禍變

九節 戰賽多流於西班牙

首一患難即見於西班牙有羅馬人棍都賽多流叛亂初伊為軍帥阿附馬留及蘇拉勝乃逃往西地招聚本西地多人並亡於彼之羅馬人俱附隨伊有使化外人中心悅服之才力故西人信從者眾將羅馬之行軍法盡教導若輩故連戰數載羅馬未能制勝遣上等軍帥革尼本貝往仍未奏效卒至西班牙人苦於連年戰中心不悅欲速止多人背賽多流去矣其未去者賽多疑忌至此帳下軍長等同謀欲殺之於薄暮幕中用飯時經人刺殺降生前七十二年也西班牙依舊服屬羅馬漢宣帝本始二年

十節 東方多難

羅馬人斯時他處患難亦不乏不居於上節言之西班牙下也地中海盜賊廣多於羅馬商務大有阻礙米拉於本都亦非誠和集多兵伺隙而動降生前七十四年與羅馬復有戰初經羅馬軍帥魯古路戰敗亡出本國已而亞米尼亞王遣兵合助戰敗魯古路降生前六十七年米拉還本都羅馬於是役未獲何利此際羅馬戰船不能制地中海羣盜數次欲勦除之未嘗得勝

十一節 劍手叛

觀所紀諸事知羅馬城議院復主理外地諸省勢有所不能矣理國務者極形懦弱業刀劍者起而殘害意地即議院無權之實據也降生前七十三年意地業刀劍人起而屠戮生靈推原其始羅馬俗劍

手於戲場門狠兇殺盡屬以刀劍技藝為業者取民一時之賞心悅目耳若輩於羅馬城習此不善技有教習勤勤訓導意地他大城復別有數學場也有羅馬與人接戰時擒拿收禁者多人使習刀劍等技藝在戲場彼此兇鬥以博羅馬黎庶目擊其死之一時樂適逢加布亞城有因事禁於獄之習刀劍人數名恃強逃出為首者名斯巴大古膽壯勇敢若輩聚於一處烏合者甚眾加以背主而逃之奴並他處業刀劍者來附不數日間有四萬人聽斯巴大古號令矣羅馬軍帥率兵與接戰數次俱經其擊敗羅馬城大有被功之慮斯巴大古初為牧人亦世間英豪是時雖極有興致然深知難勝羅馬意欲率眾越亞勒比山皆安還故鄉日耳曼等處惟眾人在意地可肆意搶擄較還故鄉善故未去未幾眾隊長不睦而解體分為數隊矣降生前七十一年羅馬帥革拉蘇戰勝若輩此際西班牙叛羅馬之賽多流已死議院遣使迎本貝還國亦帥師攻未死之敗殘奴隊殺戮幾無孑遺

節主
本貝威權增大

當是時也多人視本貝必法效蘇拉率兵入城恃強自執國政執意其竟不然哉徑回故鄉隱處降生前七十年國人選伊與革拉蘇同為根蘇本貝之威權在羅馬城中較大竭力使紳民均見悅民視善戰陣者止有本貝一人降生前六十七年地中海盜賊猶熾民會中特立本貝為勒平海盜總帥三月中海面肅清尾追盜賊至基利家地將其巢穴夷滅

節主
本貝東征

米拉是時在小亞洲增強大議院所遣為監之軍帥未奏功效明顯不能降服米拉羅馬城德利本中有一倡言亞洲兵權應歸本貝者議院阻遏亦屬無濟緣民勢甚強於其所心悅之人任何事無不可如願使成就也

降生前六十六年本貝興師征米拉米拉不能拒抵遁出本都境本貝追擊至亞米尼亞米拉極力敵卒至米拉子叛逆其父時米拉恐落敵手受辱乃自殺降生前六十三年事也漢宣帝元康三年本貝自是至敘利亞地使歸羅馬版圖立為省由是南至猶太猶太人不降及得耶路撒冷後城中猶有數人固守有聖殿之聖山本貝終至乘安息日猶太人不敢接戰時取其保障塞本貝入聖殿不見偶像十分駭異彼時羅馬人猶不明猶太教也由此而本都基利家敘利亞革利底盡為羅馬省降生前六十一年本貝師還羅馬凱歌入城

節羅馬復多難

本貝於外征服諸省時羅馬城中議院政權較前益弱自革拉氏昆弟後民中樹黨以敵議院貴紳民黨雖得馬留與其本隊兵濟助亦未得大益上已畧述蘇拉曾強制若輩國柄仍持予議士雖屬如此而議院日益弱民黨日益強矣本貝既為蘇拉契友自屬貴紳黨人惟貴紳於伊有疑懼本貝亦不依恃貴紳

節置馬著名諸家

貴紳中品行極優者為馬可波修加多喜羅馬伊古傳來之俗風制度深願扶國政由舊不更新式別有著名家馬可利西牛革拉蘇家資巨富猶復日增月盛恒欲紳民俱悅已便於其中竊得威權復有馬可都留基該羅亦羅馬城有聞望者出身不貴家資不其富惟才識極高工於詞令為伊古來大有口辯人也故能升顯爵而得大權諸國人口才等於彼者極寡於民會向民有言手書之論議至今存者不乏且其書於史家有大益能藉將羅馬彼時之情形道之詳細也國中禮儀制度伊不欲多變置深望通國平安所有無知妄作不合人心俾人生怨之事期於羅馬治理之諸地內速止議院理國務

之舊制不願更改更有民黨首領如留該撒世代為紳族而馬留妻為其父之妹伊妻為辛那女故民皆悅服伊欲削議院政權己身藉得民心理國務第無兵權在握惟有潛處羅馬城俟得軍士之機而已

第六節 加低利那謀叛

羅馬國事如何危殆觀加低利那謀叛即知伊身出貴族初與蘇拉相善繼乃窮奢極欲稱貸多債為少年貴紳蕩家敗產欲變更國家舊章之首領深願平反國政可於中獲利於本貝在亞洲將兵時親至民黨欲以術動民俾其舉己為根蘇降生前六十三年漢宣帝元康三年加低未蒙選舉眾立基該羅為根蘇已而基羅該言於諸議士曰加低意欲倡亂殺已焚羅馬城肆意搶財貨議院人信為實第未敢輕掣加低而加低離城遁他處招兵基該羅遣人將城中居之加低友屠戮多名其明年加低與議院派出之兵戰亦歿於陣矣所糾合之眾解散觀此知羅馬城中彼時有多人不可守國例為心為根蘇者可告發他人期為根蘇有藉是職以網羅民財意羅馬俗風殆已大不美耳平民於加低之謀為未知其合例與否基該羅繼此以未加審訊將與加低同謀者殺盡即見放流於外並知羅馬國之居高位者至不易耳國中庶務實難措手均由私黨商訂鮮有以國家利益為意者

第七節 三傑訂約

降生前六十一年本貝由亞洲還羅馬城人謂其必將兵揚威入城矣孰意其於進城時不露軍帥氣象極似平民哉未幾伊即知民雖暫懷感恩意過此不能假以大威權遂與議院啟多端無關緊要之分爭該撒乘機即與本貝並革拉約訂伊三人相濟共理諸務期於各懷之私謀無不成就也降生前五十九年該撒見選為根蘇緣本貝前曾於治下人許有賞至今無可持予遂倡出撥公地與本貝兵

丁並他人之例既而民舉該撒充加利省方伯連五年之久未幾即舉國兵權盡歸其掌握矣
該撒是時於夙昔所圖謀者盡得無餘兼可彰明其有將兵才得是名望民盡悅服該撒得兵即可冀
與本貝平等並可期聲威大於本貝是外極要者即訓練軍士使之倚恃已謹遵已之命令也有所欲
為號令發出衆軍乃如響斯應矣

節該撒居加利

降生前五十八年漢宣帝神爵四年該撒啟行赴加利居彼時事務紛煩日理萬緒七年之中將來那河西比
利尼山北現今之法國地盡吞併當降生前五十四年時該撒帥軍渡海詣伯利丹地即英國人現居
之地也第其時無英人止有伯利丹人現呼之為威勒施人該撒雖首先領兵至彼未底定其地即歸
該撒居加利地觀其所為知才能超越他人羅馬城中事未嘗去懷日於訓兵戰爭外復著書立說才
兼文武在加利戰爭之日記至今猶存泰西書院小書生俱讀之伊既得為軍成加利之羅馬人歡心
兼獲加利人喜悅每於戰陣致敵人敗覆時伊猶施予多恩於加利地闢多通衢既便經商兼利行軍
俾其本地土人習羅馬俗風制度並諭領兵之諸武弁均以慈愛和厚待加利人善政如是未遭殺戮
不為奴之人莫不甘心聽羅馬人治理矣該撒居彼不過十載雖於歸時將前時同去之羅馬兵均帶
回意大利而加利人仍不叛羅馬史書記載者深足彰明羅馬人祇屬新地能使被征服之新地人甘
心由羅馬人治理他人之功效不及該撒平服之加利地為尚也於羅馬繼此代代興盛大有關擊意
境人數由漸減少精神日就衰微羅馬於意地得人才少時可由加利地補來後此羅馬著名之人身
出於加利者有多位且該撒在加利地之日即羅馬初闢歐洲現著名諸國境之時該撒赴伯利丹為
泰西文人談及英國古史之第一要事也

說該撒在城若何

該撒居加利時知不能不留心體察羅馬城民情駐紮加利之定例原為五載一滿惟該撒欲多居數載財物可藉以增加軍士可益以熟悉因之多得奴僕將奴輩轉售出能藉以償前於羅馬負欠之債並賄民間有權勢者使之中心愛戴而該撒能於加利地多展年限要惟本員與革拉蘇濟助之方可也或伊二人不出首阻止亦可期有成羅馬城中亂萌終未息歷年選根蘇特黨與相爭極烈街衢中干戈相向乃恆有事也民庶皆怨恨本員之威權自覺由漸減少議院中不信任民會中不聽從矣

節三人分國權

羅馬人民均仰承該撒指教降生前五十六年本員革拉蘇與該撒會於路加城重修舊好協力同心共商訂如何成就已所素願之策故至降生前五十五年本員革拉蘇見選為根蘇俱賴該撒由加利特遣之軍士投牌力也二人得為根蘇遂倡出加利方伯可多住五載例已而有德利本一人於民會倡言敘利亞省令革拉蘇治理五載西班牙令本員治理五載

羅馬國權既分掌於該革本三人議院縱欲阻止亦屬徒勞民政舊式已形衰落矣止即貴紳而論猶不能操國柄惟廣有財與勢力方可耳

節革拉蘇陣亡

革拉蘇既赴敘利亞降生前五十三年漢宣帝廿五年與巴提亞人戰歿於陣巴提亞即中國所言安息國也為羅馬東方之強敵繼此多年有戰伊國人散處郊野善於奔走羅馬兵不能追及革拉蘇戰歿地名加來實於羅馬在亞洲之聲威大損也自革拉蘇歿於陣而該撒與本員不似前之聯為聲氣羅馬國權現歸二家即不免輕重寡多之拒抵胡能及三人同心時有和息持平之人哉

許本貝該撒相抵拒

本貝雖居西班牙方伯職第猶在羅馬未嘗就省不似有省之他方伯俱赴任也年限未滿時伊復以勢使議院派其繼為西班牙方伯五載部下有軍士權勢較該撒大多矣該撒為加利方伯至降生前四十八年應離任不能復有兵不獲居於加利惟有還羅馬為一貴紳而已其時本貝仍為方伯握兵柄此際羅馬城屢有分爭議院權輕不能約束鎮撫本貝亦希冀亂民無人彈壓時議院不能不將撫民之責加於彼得有兵權自能操國柄

該撒之友深不喜本貝有此權勢該撒心中亦慮及回羅馬城手下乏兵有人在民會出首告許已兼恐本貝領之兵丁乘人首告投遞牌定已罪遂立定主見變更羅馬國政極望政順己意已亦可得貴位矣議院中深懼該撒不懼本貝緣本貝為貴紳領袖無變易國政意該撒為民長兼為欲更國章者首領適日無幾一時人民舉知此番爭端口角不能止息決有大戰

許二雄相爭

該撒本貝兩不相能之事可畧道其梗概該撒達議院書謂己與本貝應同時謝兵權如其不然或於己尚在加利方伯任時聽其遞名於選舉根蘇單中伊立為根蘇回羅馬城時權勢不在本貝下該撒此際加利屯有兵城中多舊友惟議院不識其權有若何大未允其所請也迨德利本中有二人抒論欲許該撒所請意議院驚懼以革職之語威嚇之二人遂逃至該撒處自有此事該撒得與羅馬開戰口舌張本矣爰整師旅離加利地渡路比根河入羅馬境聲言興兵意欲護德利本免受議院欺陵乃

降生前四十九年事也

黃龍元年

許該撒入國本貝亡奔

該撒率軍入羅馬時本頁原未設戰備急切無由得兵即與二根蘇並議院諸議士登舟避往希臘矣六十日中意地盡歸向該撒第於羅馬居日無多急進兵入西班牙擊本頁所部軍與其二副帥戰於伊利耳達地本頁部下軍敗而四散該撒還羅馬城理國務時以多方行仁義使國中願相安無事之諸人心甚悅服

三十一
該撒本頁敗績

降生前四十八年本頁在希地已招集多人成大軍該撒赴希地擊本頁戰於法撒利平原本頁兵多該撒一倍該撒兵數雖少駐紮加利地多年有勇知方該撒知其可恃向諸軍發令曰接戰時先向敵人面擊打緣素知羅馬貴紳以頭面受傷為極難堪必生大懼畢屬多時交鋒本頁軍敗北無志報復渡海遁往埃及卒至登岸時經人刺殺該撒尾追及有人獻本頁首級該撒見而垂淚伊自是戰勝後從未殺斃人命不欲以力服人仍賜以恩以其知堅固威權必以仁義慈愛為本也

三十二
該撒至東方

該撒至埃及時適逢埃及國王多利買與其姊革畧巴達因爭國有戰多利買年十四歲該撒助革畧巴一戰而多利買見殺該撒立革畧巴為理其國務之主由是而率兵適亞洲矣至濟拉戰勝一叛羅馬之王向羅馬議院達一極簡畧信云余至矣見矣勝矣該撒回羅馬後旋赴非洲以有黨與本頁之人多在彼召聚新兵也於塔伯蘇地接戰該撒獲勝

三十三
該撒居羅馬

該撒猶不能罷干戈不動兵戎緣本頁二子興師於西班牙也降生前四十五年漢元帝初該撒於西班牙門達地勝彼彼雖極力戰亦無濟矣該撒還羅馬為大一統之主議院立其為畢生之低革達多

一切尊名全加予伊惟伊猶視為不足欲稱王而國權不少搖更願民心舉悅其如是為國主而於民會商受傳之子子孫孫世代罔替欲令諸省黎庶得蒙恩異至視若輩堪膺羅馬人名分時盡歸為羅馬赤子並願議院中人改為輔國王襄辦國務會議政院中不惟有羅馬貴紳諸省中有大聞望人舉得入而議事

訐該撒被弑

若是之變置國政羅馬城中不悅者極多痛惡該撒勞心力之工甫畢居羅馬城中初得安居享福即有人同謀欲加之害矣降生前四十四年西歷三月十五日議院中多位議士弑該撒伯路都與加修為首同謀者均為受該撒多恩人若輩以衛羅馬政不歸一人獨操為重欲保持羅馬歷代自主之益即殺該撒矣該撒年五十六歲曠觀萬國之中行事如該撒之才力聰敏身心周到殆寥寥無幾也雖屬文武兼全常著書立說治國有謨猷將兵多謀畧而妄行無忌事亦不能免居於世風頹靡時胡能遠過所哉惟貧民愛戴軍士甘心效死

加修安我並興

該撒雖死羅馬國權仍未還議院伯路都與加修以為該撒死政必由舊孰意其所見誤哉相繼而軍帥自相戰爭連十三載承該撒業者為該撒女弟之外孫俄達非年甫十八適在希臘地習文事該撒之遺書中有立彼承嗣語更其名為茹留該撒俄達非亞弩外復有該撒部下帥名安多尼者挑動黎庶怨伯路都與加修伊二人不見悅於民即離羅馬城而出往他方矣至是該撒前統領之舊軍兵等集於安多前請復讐安多私揣藉眾兵勢已可同於該撒之為羅馬國主而俄達別有異式既至羅馬仍屬恭謹和平在在細心與人有言無論其分位尊卑總使之心悅舊時該撒之兵有多人來附故彼

在羅馬得大權極速及議院與安多戰俄達助議院降生前四十三年安多戰於木底那二根蘇雖勝安多亦歿於陣此際俄達領兵入羅馬城民會立彼為根蘇亦出於不獲己也俄達既得國權遂與安多和復有雷比渡為西班牙與南加利之方伯統領者有兵俄達與安多即與雷比同訂約矣

節手
復見三人握權

前此十二年時羅馬國諸事分掌於本該革三人手三人俱握兵柄至此而俄安雷三人均統有兵一其約訂同理國務初有作為即各道衷曲商妥將己心所疑畏之人殺戮盡行同前時之蘇拉見殺者中有口才甚嘉之基該羅伊平時竭力助議院曾於議院與民會言論時數以極烈語道安多非故茲時不能脫難也基該羅六十四歲

三人於羅馬國如是經理猶有攻伯路都與加修事伊二人於馬其頓地召集多兵且此時本貝子已集多戰艘佔據西西利地第伯加二人不善於戰為特無幾即絕翼倖之望矣於腓立比地戰二次一加修自殺一伯路都自殺漢元帝永光二年

三
節俄達居意大利

是役既畢安多尼東去遇埃及女主革畧巴愛而不願他適遂留埃及多日俄達蒞意地國事雜亂無章伊均治理就緒亦因俄安雷三人議妥安理東方俄治西地雷則南平非洲俄達因乏船隻難處實多此際賽革都本貝船數甚廣能阻運赴羅馬之糧艘羅馬人乏食俄達不能不造大隊戰船矣復宜以法安民庶心不使生亂第初接水面戰俄軍敗北致其難事益多至降生前三十六年俄船始勝賽革都本貝船惟至是時雷比都恐俄達過盛即與賽革合兵而共抵俄達矣雷軍戰負聲威頓失賽革無計可施東遁就東地安多將彼殺斃

二節 俄安相戰

當時時也安多於俄達之威大有懼緣意地有難俄達匡救且意境諸處俱守法度無何變亂實由俄達安設該撒之舊兵宿將與馬留黨所遺之人均附從俄達而安多在羅馬漸為民庶憎惡伊久居東方聽革畧巴言習東方俗羅馬人聞之極不悅懌故於茲漸見安俄相戰事矣降生前三十一年戰於亞革典以決勝負集多海船於海面在希國之西海濱適於奮力酣戰時革畧巴舟駛回國安多見革畧巴舟行已舟亦如飛追去眾軍船見主帥奔皆潰亂散遁安多尾追革畧直至埃及風聞革畧巴已死亦欲尋自盡然革畧實未嘗死少頃安多遙見革畧俄達軍追至安多已自殺革畧巴遭擒伊平時於菓籃中藏有毒蛇此際命人取至蛇口嚙胸毒入殞命革畧巴乃埃及國自主之末一君也後此為羅馬省漢成帝建始三年

羅馬志畧卷九

羅馬立帝之始

一節羅馬人有帝原起

羅馬帝并先時併有之諸國地至此咸歸於一人主理當如留該撒為人刺斃內亂者十三年後該撒繼子俄達非亞弩得嗣據其義父位時人皆厭亂蓋溯計馬留與蘇拉構兵以來干戈不息屆此已五十年預戰諸人零落殆盡而前此太平景象鮮有身見之者於時羅馬人民已悉泯舊愛民政之心惟冀獲再見太平之日至為民政或帝政則皆不暇計蓋此五十年中諸貴紳長率遭慘戮其餘更無足與始連族人匹者加以如連族長俄達非亞弩最號強盛羅馬人民非止力不能阻其嗣該撒位且捨之更無一可主國事之人當亞革典地之戰俄達以舟師大勝安多尼之水軍返於羅馬惟時羅馬威柄盡歸其手是即羅馬民政國始兆有帝政之基也

二節羅馬肇立帝基

當該撒刺斃後其繼子知驟更國章之眾怒難犯不若緩圖之為得也乃不求稱王亦不專紛更國政惟漸將國中諸權要官爵皆攝歸於己蓋昔羅馬廢王創立民政之際凡諸國章亦無甚變易初惟立一總統權主國政期以一歲為滿即行退位嗣復不立總統別立二根蘇同聽國政既而根蘇之權又旁落於諸他職官迨俄達乃漸次將前此旁落之權收歸掌握故雖無王之號而有王之實也按俄達自號曰音貝拉多譯即總攬軍柄即此號有以知其尚武而以兵為國基又自號曰孫拔耳譯即居是俄數兼任點陟議院中人之職嗣復獲居議院中第一座首發議論之榮故又號曰伯林斯譯即居是俄達既擢考稽民數點陟議院中人之權居議院第一座且兼德利本之官以為人民長後又得為羅馬

教首時俄達一人兼任一國諸要職歿身不替既而議院諸人又共奉上尊號曰奧古斯都故俄達暮年人皆概以奧古斯都稱之

三節奧古斯都主理羅馬

考奧古斯都之主理羅馬也平素家居絕去華飾凡諸儀制概從質簡亦不少作威福然察政治有不便者率即隨意更正每宣一新令則議院人并諸臣民皆相與聽命惟謹而奧古斯都猶自屢屢辭位其意蓋欲俾衆咸知無彼則羅馬莫能為國乃一日竟去羅馬避居他城迨選理國大員之期果遭民變終待奧古斯都及歸羅馬其亂始息也按奧古斯都素行不凌人亦不使人疑己不改舊章亦不創立諸新名號而其得建帝國之基實遵此術

四節著書名儒

奧古斯都主理羅馬計始自中國漢成帝之建始三年而終于新莽之天鳳元年惟時羅馬人民咸得遂其生相與愉樂而著書罕匹之名儒亦相繼輩出所著書中率多詳載有關於奧古斯都事如威吉利所著之愛尼德詩乃述昔人愛尼亞本末按愛尼亞為創建亞巴城之人蓋謂是人即茹連族之始祖嗣由此族中而挺生茹留該撒也時又有二著名詩人一日賀拉西一日俄非德至羅馬史內詳列上下七百餘年事亦其時人利非所著蓋奧古斯都最喜文士故常與詩人往來且恒勉之著作垂名後世故至今泰西諸人凡興言前世文學之盛必曰如奧古斯都世也

五節經畫省界

奧古斯都治國之功以經畫省界更定新章為第一計前數百年羅馬初屬有他省地時其屬省人咸聽羅馬一城民主理迨同盟戰息後而意大利人皆得登名于羅馬民冊惟遇議院有大聚議則意地

人皆苦往返奔走之勞多無至者因之大權多旁落於寓羅馬城諸豪民之手遇事即概以民暫愛戴人之言是聽故議院人雖日竭智力以求服羅馬諸民心亦為徒勞無益嗣帝政立此弊不革自絕蓋時主理諸省威柄不復屬諸羅馬民乃半歸於帝半操於議院而議院人亦惟帝命是聽故也是以帝政之世羅馬民權漸失其屬省人所得利益皆漸與意地人等

六 節 境 地 之 廣

學者詳觀此書中之第一圖如能識其內外號誌之所由分即可知奧古斯都世羅馬境地之廣當羅馬兵大敗於德地北境後奧古斯都自念境地之廣似此已足嗣惟宜以固諸疆圍為急務按奧古斯都連歲惟與德人構兵至此羅馬得以來那與大奴比二河為界其戰方息計時羅馬西界大西洋北界英吉利海峽來那河大奴比河黑海高加蘇山東界亞米尼亞山底革利河亞拉伯大沙漠地南界非洲之大沙漠地而此四界中之北東二界恒有破敗之虞蓋一則與德地為鄰一則與安息國接壤其德與安息皆為羅馬所忌畏故也迨奧古斯都將歿猶遺詔嗣其位者皆切不可復以壤土闡疆為事後此羅馬多年惟增有二地一為伯利丹地一為達西亞地伯利丹前此曾為姑留該撒所侵迨降生後五十一年即漢元武帝始為羅馬帝革老底併有其地若達西亞地併入羅馬則為降生後一百六年即漢陽帝建武十七年德拉旗帝時事也

七 節 創 定 諸 省 新 章

學者概知前此羅馬諸省皆由議院遣諸羅馬城顯宦往往行統治故時羅馬諸省主凡事率必視與議院有益方肯施行大為民患加以此諸顯宦性多貪鄙公行賄賂惟利是圖迨奧古斯都將盡革此宿弊乃擇數省歸已簡派人員往往行統治而親督責之其猶屬議院遣員之諸省亦為分設監察等官巡